

Na osnovu člana 39. Zakona o javnim nabavkama Bosne i Hercegovine („Službeni glasnik BiH“, br. 39/14), a nakon provedenog postupka nabavke putem konkurentskog zahtjeva za nabavku robe – bukovog ili grabovog ogrijevnog drveta za potrebe općine Fojnica zaključen je:

UGOVOR za nabavku roba-bukovog ili grabovog ogrijevnog drveta za potrebe Općine Fojnica

1. Općinski organ uprave Fojnica kojeg zastupa Općinski načelnik Sabahudin Klisura dipl. ing. ID broj: 4236232930002 (u daljem tekstu: Ugovorni organ) i

2. „Tovarište“ d.o.o Fojnica, Tovarište bb, ID broj: 4236606520008 kojeg zastupa direktor Merdžanić Selvedina (u daljem tekstu: Dobavljač)

Član 1.

(1) Predmet ovog Ugovora je nabavku robe – bukovog ili grabovog ogrijevnog drveta za potrebe općine Fojnica (u daljem tekstu: roba) u iznosu od **17.526,60 KM** sa PDV – om (sedamnaest hiljad petstotinadvaest i 60/100 KM).

(2) Sastavni dio ovog Ugovora je Ponuda Dobavljača broj: 01-08/17 od dana 10.08.2017. godine, sačinjena prema Obrascu za cijenu ponude.

Član 2.

Ugovorni organ naručuje predmetne usluge, a Dobavljač prihvata da izvrši isporuku robe, na osnovu provedenog konkurentskog zahtjeva i Odluke Ugovornog organa o izboru drugorangiranog ponuđača.

Član 3.

(1) Ugovorni organ i Dobavljač su saglasni da Ugovor realizuju prema definisanim uslovima putem konkurentskog zahtjeva:

(2) Ugovorni organ prema zahtjevima u Obavještenju i Tenderskoj dokumentaciji.

(3) Dobavljač, prema dostavljenoj ponudi i dokumentaciji sa preciznim ponuđenim uslovima u prijavi na konkurentski zahtjev.

Član 4.

(1) Ugovorni organ nema obavezu da Ugovor realizuje u cijelosti, niti snosi bilo kakve troškove ili odgovornost ukoliko se isti ne realizuje.

(2) Količine iz specifikacije nisu fiksne za ugovoreni period, promjenljive veće ili manje u odnosu na količine predviđene Ugovorom.

(3) U slučaju neispunjenja ugovornih obaveza Dobavljača, Ugovorni organ zadržava pravo djelimičnog ili potpunog raskida Ugovora.

Član 5.

Dobavljač se obavezuje da ugovorenu isporuku izvrši u roku od 30 dana od dana potpisivanja Ugovora.

Dobavljač se obavezuje da neće doći do promjene cijena iskazanih u Obrascu za cijenu ponude tokom ugovorenog perioda, izuzev u slučaju promjene zakonskih propisa koji se odnose na plaćanje državnih dadžbina.

Član 6.

(1) Dobavljač se obavezuje da usluge fakturiše u ugovorenom roku, na osnovu otpremnih dokumenata (otpremnicu i sl.) potvrđenih od strane Ugovornog organa da je usluga izvršena.

(2) Dobavljač se obavezuje na nepromjenjivost ponuđenih cijena tokom cijelog ugovorenog perioda.

(3) Ugovorni organ će plaćati fakturu za obavljene usluge propisanim platnim nalogom za plaćanje u roku od 60 dana od dana stvaranja obaveze.

Član 7.

(1) Dobavljač se obavezuje da će usluge izvršiti u skladu sa zahtjevima Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

(2) Ugovorni organ je obavezan dostaviti pismeno obavještenje o svakom navedenom propustu Dobavljača po Ugovoru.

(3) Ugovorni organ će utvrditi razuman rok za ispravku propusta Dobavljača u smislu izvršene nabavke.

(4) U slučaju eventualnih primjedbi Ugovornog organa na kvalitet i količinu isporučene robe, Ugovorni organ može Ugovor djelimično ili potpuno raskinuti i prije njegovog isteka, uz predhodno izmirenje svih obaveza utvrđenih po osnovu istog.

Član 8.

Odredbe ovog Ugovora ne mogu se mijenjati nakon njegovog zaključenja.

Član 9.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, nadležan je Općinski Sud Kiseljak.

Član 10.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 11.

Na ostala prava i obaveze ugovornih strana, koje nisu regulisane ovim Ugovorom, će se primjenjivati odredbe Zakona o obligacionim odnosima.

Član 12.

Ovaj Ugovor se zaključuje potpisivanjem od strane ovlaštenih lica ugovornih strana i prestaje važiti nakon odabira dobavljača za naredni vremenski period ili postupanja dobavljača po eventualnim primjedbama Ugovornog organa u pogledu nedostataka vezanih za kvalitet nabavke, a primjenjivaće se od dana potpisivanja Ugovora.

Član 13.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

Za Dobavljača
DIREKTOR
Selvedina Merdžanić

Broj: 20-09 / 17
Datum, 18.09.17

Selvedina Merdžanić



Za Ugovorni organ
OPĆINSKI NAČELNIK
Sabahudin Klisura dip.ing

Broj: 02-49-1066/17
Datum, 18.09.17